

**Broj: 07-06-985-01-03/10**  
**Mostar, 30.08.2010. godine**

Na osnovu člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), člana 31. stava (2), člana 37. stava (3) i člana 62. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), kao i člana 22. i člana 33. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05), te Odluke broj 07-06-985-01-02/10 od 30.08.2010. godine, Regulatorna komisija za električnu energiju u Federaciji Bosne i Hercegovine - FERK, na nastavku X. redovne sjednice održane dana 30.08.2010. godine je donijela slijedeću

## **O D L U K U**

### **O imenovanju voditelja postupka tehničke rasprave**

#### **Član 1.**

Imenuje se Senad Aganović, specijalista za distributivnu djelatnost, za voditelja postupka tehničke rasprave uz učestvovanje pozvanih stručnjaka na temu revidovanog nacrtu Pravilnika o izvještvanju.

#### **Član 2.**

Tehnička rasprava će se održati u Mostaru dana 14.09.2010. godine, sa početkom u 10:00 sati, u prostorijama FERK-a u mostaru, u skladu sa Odlukom broj 07-06-985-01-02/10 od 30.08.2010. godine.

#### **Član 3.**

Zadatak voditelja postupka je uspostavljanje postupka za raspravu u skladu sa pravilima i propisima FERK-a i predsjedavanje raspravom.

#### **Član 4.**

Po zaključivanju tehničke rasprave, voditelj postupka iz člana 1. ove odluke, dužan je sačiniti pisani izvještaj u roku od sedam dana, a po potrebi može dati i usmeni izvještaj FERK-u na internom sastanku ili redovnoj sjednici, te preporuku za donošenje odluke FERK-a.

#### **Član 5.**

Ova odluka stupa na snagu danom donošenja i objavljuje se na oglasnoj tabli i web stranici FERK-a.

## Образложење

Članom 14. stav (1) Statuta FERK-a propisano je da FERK donosi opće i pojedinačne akte, dok je članom 12. stavom (1) Statuta FERK-a, kao i članom 31. stavom (2) Poslovnika o radu FERK-a propisano da se konačno odlučivanje o pitanjima iz nadležnosti FERK-a utvrđenim Zakonom, vrši uvijek na redovnoj sjednici. Član 37. stav (3) Poslovnika o radu FERK-a propisuje da se odlukom uređuju pojedina pitanja iz oblasti elektroenergetskog sektora u skladu sa Zakonom i donose opći akti poslovanja FERK-a kao pravnog subjekta u prometu.

Odlukom broj 07-06-985-01-02/10 od 30.08.2010. godine odlučeno je da će se dana 14.09.2010. godine u Mostaru, u prostorijama FERK-a, na adresi Blajburških žrtava 33., sa početkom u 10:00 sati, održati tehnička rasprava uz učestvovanje stručnjaka koje pozove FERK na temu revidovanog nacрта Pravilnika o izvještavanju.

Članom 62. Poslovnika o radu FERK-a propisano je da FERK može delegirati svoja ovlaštenja jednom članu FERK-a ili licu zaposlenom u FERK-u da bude voditelj postupka u bilo kojem postupku FERK-a kako bi se osiguralo funkcionisanje FERK-a. Istim članom predviđeno je i davanje pisanog izvještaja, o toku cjelokupnog postupka, a voditelj postupka može osigurati i usmeni izvještaj FERK-u na internim sastancima ili redovnim sjednicama.

Članom 22. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine propisano je da FERK imenuje voditelja postupka tehničke rasprave u skladu sa Poslovníkom o radu FERK-a, koji je ovlašten provoditi nadležnost koju mu je dao FERK u pogledu rasprave i uspostaviti postupke za raspravu u skladu sa pravilima i propisima FERK-a, te predsjedavati raspravom, dok je članom 33. istog Pravilnika propisano da se odlukom o imenovanju voditelja postupka određuje i rok za podnošenje izvještaja voditelja postupka FERK-u.

Na osnovu navedenog odlučeno je kao u dispozitivu.

**PREDSJEDNIK FERK-a:**  
**Zdenko Šimunović s.r.**